

'Fluba nen

Zaji

-a cren -te

1 ¹An 'bɔ Zaji nen an Bali 'lee Minsan Zozi Crizi "sua bɛ, mɛɛn 'fluba 'gʊɛ -a cren -te. Maan cren -te Bali -le minnun pɛɛnɔn nen 'o fuiladi "man 'trɛda bɛ, -wɛ. An 'ka 'tɔ bo.

E 'ka "le Zozizan 'e 'ci -fɔɔ "dɪ!

²An "bʊ Zozinɔn, 'wɪ 'tɔndɔn pɛɛnɔn nen o bɔa 'ka man bɛ, 'ka yɪ 'cee ci "nran wɪ -a. ³Kɔɔ te ka yɪ -tera Bali da bɛ, ka bɔala 'ji, -e 'e -pɔan 'sɔdɪ -nɔn 'cɛɛ. ⁴'Ka yɛ 'trɔa "da, -e -pɔan 'sɔdɪ zɪɛ 'e 'kʊ 'kaa -trilii "le zɪ e cɪ Bali ci 'sɔ 'a bɛ, -yee 'wɪ 'zʊ. -E 'ka 'kɔn tɪɪtɪ, te 'ka drɛ wɪ a 'e 'sʊdɪ 'ji Bali 'lɛ.

⁵'Pian -te min -tʊ a 'ka yɛi 'nan 'wɪ nen kɔ 'e drɛ ya'a tɔa dɪɛ, 'e laabu Bali 'lɔ. Bali 'wɪ 'tɔdɪ -nɔan -yrɛ "le zɪ yaa laabu -yrɔ "bɛ -yee 'wɪ 'zʊ. Kɔɔ ya'a min bo "va "dɪ, ɛn yaa -nɔan 'e "tun. ⁶'Pian min 'bɔ 'e yɪ -tera "da -e 'e laabu -yrɔ. Te 'e 'ci -fɔɔ "dɪ! Kɔɔ min nen 'e 'ci -fɔɔman bɛ, e ya "le "pɛzannen nen fulɔ 'ta -tɔa "man "bɛ, -yee 'wɪ 'zʊ. ⁷Maan ve 'cɛɛ 'nan, te -a -cin 'e 'kɔn min zɪɛ -a -ji 'nan, 'e fɛ -tʊ ye Minsan 'lɔ "fo "dɪ. ⁸Kɔɔ min nen 'e 'ci -fɔɔman bɛ, -a -wulo -ji wɪ 'ka -tʊwli "dɪ. ɛn -yee 'wɪ pɛɛnɔn dɛrdɪ -ji bɛ, ya'a 'e yɛ 'tɔala 'wɪ 'tʊ da tɪɪtɪ -e 'e drɛ dɪ.

Seezan 'lee fezan -le 'wɪ

⁹Min nen e ya seezan -a, ɛn e sɔɔnla Zozi -sru "bɛ, -a san ci 'e "nran 'nan, Bali 'e dra min -dan a. ¹⁰'Pian min nen e ya fezan -a, ɛn e sɔɔnla Zozi -sru "bɛ, -a -cin 'e 'kɔn -a san ji 'nan, e 'ka min -dan a Bali 'lɛ "fo "dɪ. Kɔɔ e "sia 'e yɪfɛ -sru "le zɪ lu 'e -fui -tɛa, -e 'e 'sran bɛ -yee 'wɪ 'zʊ. ¹¹-Te yidɛ bii 'plɛblɛ bɛ, -e lu -fui 'e 'sran, te -yee fɛnyian -nyan. Zɪ fezan "sia 'e yɪfɛ da zɪɛ.

'Wt 'wliɖt 'dredt -taala 'kɔ!

¹²Min nen 'wt 'wliɖt 'cin -trɔa 'ji en ya'a drele dɛ, Bali -le -fɛa -a san man. Kɔɔ -te -a san 'yee 'pleble 'ci kɔɔn zɛ -trilii en e 'bɔla -a -wulo planan 'bɛ, 'belidɪ nen ya'a 'nyaan dɛ e ya -yee ve -a. Minnun nen o Bali ye 'yi 'bɛ o -kopa nen zɛ.

¹³Min nen 'wt 'wliɖt 'cin -trɔa 'ji "bɛ, te 'e 'pa Bali da dɪ! Kɔɔ 'wt 'wliɖt 'cin 'ka Bali ji dɪ, en Bali 'ka 'wt 'wliɖt 'cin tɔala min ji dɪ. ¹⁴'Pian blamin 'bɔ 'wulo -ji wt 'bɛ see 'paaman, -e 'e 'wt 'wliɖt 'dredt -cin -tɔ 'ji. ¹⁵-Te min sɔɔnla 'e 'wulo -ji "nrɔndɪ 'wliɖt zɛ -a -sru "bɛ, -e 'e 'wt 'wliɖt 'dre. En -te min 'wt 'wliɖt dre 'trilii bɛ, -a 'le 'srannan "nen -kadɪ -a.

¹⁶'An "bɔ Zozinɔn, an 'ka ye 'yi 'kpa. Te 'ka 'wt 'gɔɛ -a "sia 'ka see 'paa wt -a dɪ. ¹⁷Maan ve 'cɛɛ 'nan, 'wt 'yi 'lee 'wt tɪglɪ pɛɛnɔn "sia Bali va lou. -Yɛɛ laji fɛnɔn pɛɛnɔn nen o "bia bɛ o dre. Fɛnɔn pɛɛnɔn zɛ 'o 'man limlan, 'pian Bali 'ka 'limlan 'li "fo "dɪ. ¹⁸Bali 'bɔ 'ci 'sɔ 'a nen, e -kaa dre 'yee 'nennun -a. Zozɪ 'le 'wt 'nɔnɔnɔn nen e ya 'wt tɪglɪ 'a bɛ, -a 'bɔ 'a nen e 'belidɪ 'nɔn -cɛɛ 'nan, -e -kaa kɔn 'e 'pɛ dreve flin -a.

'Ka "trɔɛn "tɔ Bali wei lɛ, -e 'ka 'ta wɔla "da!

¹⁹'An "bɔ Zozinɔn, an 'ka ye 'yi 'kpa. 'Wt 'gɔɛ -a -cin 'e 'fɔla 'ka 'ji. 'Ka "trɔɛn 'e 'wt man! Te 'ka 'lɛbɔ 'e 'fɔ 'e 'flin -e 'e 'wt dɪ! En te 'bli 'e 'fɔ 'ka 'ji tada dɪ! ²⁰Kɔɔ -te 'bli 'fɔ min ji bɛ, ya'a Bali ci 'sɔ winun dra "fo "dɪ! ²¹-Yee "wean nen 'ka 'wt pɛɛnɔn nen e min "tri -tɔa Bali 'lɛ bɛ -a 'tɔɪ, 'lee 'wt 'wliɖt pɛɛnɔn, -e 'ka 'wt Bali wei nen waa 'vɪ 'cɛɛ bɛ -a man, -e 'e -kɔla 'e 'ka 'si 'wt 'ji -le "wean.

²²Te 'ka 'fli sɛɛ wɔ 'nan ka ya Bali wei mannan dɪ! 'Pian -te kaa 'man bɛ, 'ka 'ta wɔla "da! ²³-Yɛɛ cɪ 'nan, min nen 'e "trɔɛn -tɔa Bali wei lɛ, te ya'a 'ta 'wo "da "dɛ, yaa dra "le 'nan min -tɔ 'bɛ 'e 'fli -nanjɛɛn -niannun 'ji, en 'e 'fli -tɔ klɔ 'yɪ. ²⁴Zɪ e cɛɛn "man en e -kɔ bɛ, 'nun tɔɔn -a -tɔ klɔ 'san 'e 'fli ji. ²⁵'Pian bii nen 'i yɛɛ -trɔa Bali wei tɪglɪ nen e min "sia 'wt 'wliɖt "le nɔnba -ji bɛ -a da bɛ, Bali -fɛa ve 'i man. Kɔɔ 'i "trɔɛn "tɔ -yɛɛ, en i kɔala "man, en -a -cin 'ka 'sanlɛ 'i 'ji dɪ, 'pian i 'ta 'wɔla "da.

²⁶Min nen e 'nan e ya Bali -sru, te ya'a 'kɔlaman 'e wei 'kundɪ -a dɛ, te e ya 'e 'fli sɛɛ wɔnan. Te -yee 'ta wɔdɪ Bali -sru "bɛ -a -ci "ka "dɪ. ²⁷'Pian -kaa "tɪ Bali bɔdɪ tɪglɪ nen 'nan, blamin 'e yɛɛ 'tɔ "tɪ 'lee "bɔ "ka "da "nennun 'lee -calenun va 'wee yɪa yɪdɪ -ji. En "nyian 'nan blamin 'e 'fli 'kun -e 'e vɪlɛ 'e 'wt 'wliɖt "tɔwli "dre dɪ.

Te 'ka min bɔ "va dɪ!

2 ¹'An "bɔ Zozinɔn, kaa nen ka yi -tera mingɔnɔn -kaa san Zozɪ Crizɪ da bɛ, te 'ka min bɔ "va "dɪ. ²'Ka 'ci "nrɔn 'wt 'gɔɛ -a da. Fɛzan -tɔ wla 'cee cin yɪ 'kuin 'e 'pɛ 'wɛ man le -siga, en 'e 'ta le sɔ fɛnyian -a.

Seezan -tu wla 'nyian 'cee cin yi 'kɔn 'lein zɪe -a -ji, te sɔ 'cɛɛndɪ a 'da.
 3Min nɛn 'e 'ta le sɔ fɛnyian -a bɛ, kaa -nanjɛn, ɛn 'ka 'nyrannan fɛnyian
 -nɔn -yrɛ. 'Pian kaa 'vɪ seezan 'le 'lɛ 'nan: «Bii 'gʊ, 'i 'tɔ wʊ lou, ɛn -te i ya
 'va 'bɛ, 'i 'nyran 'mɛn pɛin 'srɔn 'tra.» 4'Wɪ zɪe -a drɛdɪ bɛ, e ya min budɪ
 'va 'wɪdɪ 'a.

5'An 'bʊ Zozinɔn, an 'ka ye 'yi 'kpa. 'Ka 'trɔɛn 'tɔ 'wɪ 'gʊɛ -yrɛ! Maan
 ve 'cɛɛ 'nan, minnʊn nɛn o ci seenɔn 'a 'trɛ 'gʊɛ -a da bɛ, Bali o 'si 'va 'nan,
 -e 'e o drɛ fɛnɔn 'a 'wee yi -tɛradɪ 'e da man, -e 'o 'ku 'yee mingɔnɛn trɛ
 nɛn yaa 'pla minnʊn nɛn waa ye 'yi 'bɛ, -wɪɛ 'bɛ -a da. 6'Pian 'cee vɛ bɛ,
 ka'a seenɔn 'siala min -a dɪ, fɛnɔn nɛn ka o ye 'yi. -Mɛ 'le 'wean nɛn kaa
 dra zɪ? Fɛnɔn 'bɛ 'tɛ 'paa 'ka da, ɛn -wɛɛ -ko 'kaa tin 'banɔn 'cɛin -da. 7ɛn
 -wɛɛ 'tɔ 'srɔnman 'tɔ fɛnyian nɛn Zozi Crizi 'tɔ a bɛ -a man.

8Bali -le 'fluba 'ji bɛ, -yee -pei -tɔ wɪ -dan tʊ -a. E ya 'e 'crɛn -tɛdɪ 'nan:
 «I bɔɛzan -tʊ yi 'yi
 'le 'yie 'wɪ 'zʊ!»

-Te 'wɪ zɪe -a drɛnan nɛn ka ci bɛ, te ka 'wɪ 'yi drɛ. 9'Pian -te ka min 'bʊ 'va
 'bɛ, te ka 'wɪ 'wɪdɪ drɛ. ɛn te Bali -le -pei zɪe e tin -tɛa 'ka da Bali 'lɛ. 10Kɔɔ
 -te min Bali -le -pei -tʊwɪ 'cɛ srɛ bɛ, te yaa pɛɛnɔn srɛ 'fo. 11Bali -a 'vɪ 'nan:
 «Te blamin 'e min nan -wɛɛ 'dɪ,
 ɛn te 'e min -sran -wɛɛ 'dɪ!»

ɛn yaa 'vɪ 'nyian 'nan:

«Te blamin 'e drɛ min -tɛzan -a dɪ!»

-Te min 'ka min nan -wɛɛɛ dɪ, 'pian ɛn e drɛ min -tɛzan -a bɛ, te ya'a 'ta
 wʊɛa Bali wei da 'fo 'dɪ.

12-Yee 'wean maan ve 'cɛɛ 'nan, -te 'ka 'ta 'we, ɛn 'ka 'ta 'wɪ dra bɛ, -a
 -cin 'e 'kɔn 'ka 'ji 'nan, Bali wei nɛn e min 'sia 'wɪ 'wɪdɪ 'le nɔnba -ji bɛ,
 e 'cee tin 'baa. 13Kɔɔ yi nɛn Bali 'trɛdanɔn 'le tin 'baa bɛ, min nɛn ya'a 'e
 bɔɛnʊn nyrinda 'silɛ dɪɛ, Bali 'ka -a san nyrinda sia dɪ. 'Pian min nɛn 'e
 bɔɛnʊn nyrinda 'si bɛ, te 'klan 'e 'kɔn -a san -ji dɪ.

Yi -tɛradɪ Bali da 'lee min drɛ wɪ

14'An 'bʊ Zozinɔn, -te min -a 'vɪ 'nan, an yi -tɛala Bali da, te ya'a
 kɔɔnman 'e drɛ wɪ -a dɪɛ, -a -ci nɛn 'nɔn? -Yee yi -tɛradɪ Bali da zɪe, ya'a
 sia 'wɪ 'ji 'fo 'dɪ. 15'Ka 'ci 'nrɔn 'wɪ 'gʊɛ -a da. 'Ka 'bʊ Zozizan 'tʊ a 'ka 'va,
 -te 'bɛ 'cɛɛ dɪ, 'ka 'blu Zozizan 'tʊ a 'ka 'va, -a ta sɔ 'ka 'dɪ, ɛn -a -blɪfɛ 'ka
 'dɪ. 16ɛn kaa 'vɪ -yrɛ 'nan: «Kʊ ya yi pee nyan. I -fʊ -trɔɔ. Bali 'e fɛ nɛn yia
 -wɛɛman bɛ -a -nɔn 'yie.» 'Pian fɛ nɛn 'e klɪ 'man 'bɛ, ka'a -nɔnɛ -yrɛ 'dɪ.
 'Wɪ zɪe -a drɛdɪ bɛ, -a -ci 'ka 'fo 'dɪ. 17-A -tʊwɪ 'nɛn 'nyian yi -tɛradɪ Bali
 da -a. Min nɛn e yi -tɛala Bali da, ɛn ya'a kɔɔnman 'e drɛ wɪnʊn -a dɪɛ,
 min zɪe -yee yi -tɛradɪ Bali da -ci 'ka 'fo 'dɪ.

18ɛn 'nyian bɛ, -te min -a 'vɪ 'mɛn 'nan: «Min -tʊ yi -tɛala Bali da, ɛn
 min pee 'e 'yi 'dra minnʊn lɛ.»

Tɔɔn maan laabo min zɛ -yrɔ 'nan, i 'yie yi -teradɔ Bali da nen wa'a kɔɔnman o dre wɔ -a dɛ, -a -ci -kɔɔn 'men! -E 'an 'men yi -teradɔ Bali da -ci -kɔɔn 'yie 'an dre wɔ -a. ¹⁹I yi -tɛala "da 'nan Bali a -tɔwli "cɛ. 'Wɔ 'kpa nen. 'Pian -a -cin 'e 'kɔn 'i 'ji 'nan, -yu -wɔlɔdunun "o yi -tɛala "nyian "da zɔ, ɛn o "klanman -yrɔ.

²⁰-Bluzan, i ya "vale 'an -ci -kɔɔn 'yie 'nan, yi -teradɔ Bali da nen wa'a kɔɔnman 'o dre wɔ -a dɛ, -a -ci "ka "dɔv? ²¹-Mɛ "le "wean nen Bali -kaa tra Abraam 'sia min tɔglɔ 'a? -A dre wɔ man nen. Kɔɔ Abraam wɔ "man, ɛn e 'e 'pɔ Izak 'si, yaa -nɔn Bali le 'sraga bɔvɛ -a Bali -pan "dave da. ²²Yia 'yɔ? -A dre wɔ 'lee -yee yi -teradɔ Bali da dre 'tɔwli. ɛn -yee yi -teradɔ Bali da 'e 'le sɔɔ -a dre wɔ man. ²³'Wɔ 'bɔ zɛ -yee "wean e ya 'e 'crɛn -tɛdɔ Bali -le 'fluba 'ji 'nan:

«Abraam yi -tera Bali wei da,
ɛn Bali -a 'sia min tɔglɔ 'a
'yee yi -teradɔ 'e da man.»

Bali -a laabu 'e bee. ²⁴-Yee "wean maan 'vɔ 'cɛɛ 'nan, Bali min 'siala min tɔglɔ 'a 'e dre wɔ 'lee 'yee yi -teradɔ 'e da man, 'pian ya'a siala min tɔglɔ 'a 'yee yi -teradɔ Bali da 'saza "cɛ "man dɔ.

²⁵'Wɔ 'tɔwli zɛ -yee dre "nyian -kɔnnɛn -wɛɛzan nen waa laabo Rab bɛ -yee vɛ -a. Bali -a "sia lɔmɔn tɔglɔ 'a 'e dre wɔ man. Kɔɔ minnɔn nen Zozue o 'pa 'sia bɛ, e 'pa 'o 'va, ɛn e -si -tɔ kɔɔn -wɛ 'nan 'o 'te -ji "da.

²⁶Kaa -tɔa 'nan -te 'flindɔ -nyan min lɔ bɛ, te e -ka. -A -tɔwli "nɛn "nyian yi -teradɔ Bali da -le vɛ -a. Yi -teradɔ Bali da nen wa'a kɔɔnman 'o dre wɔ -a dɛ, te e ya 'e 'kadɔ.

Min nren 'le 'wɔ

3 ¹'An "bɔ Zozinɔn, te 'ka vɔnan 'ka pɛɛnɔn 'e dre Bali wei "paanɔn 'a dɔ. Kɔɔ kaa -tɔa 'nan, 'kɔ Bali wei "paanɔn bɛ, Bali 'kɔvɛ 'wɔ tin "baa 'plɛblɛ 'e "mlian min pɛɛnɔn -le vɛ da. ²-Kaa pɛɛnɔn -pɛ "saanman 'wɔ 'wɔlɔdɔ 'va 'wɔ "kaga 'ji. -Te min 'lewei 'ka "saanle -tɔwli 'wɔ 'wɔlɔdɔ 'va dɛ, te min nen -a dre wɔ a 'e 'le sɔɔdɔ bɛ, -nyrɛn. Te e -kɔlamɔn 'e 'fli 'kundɔ -a "fo.

³'Ka 'ci 'nrɔn 'wɔ 'gɔvɛ -a da. -Kaa -bulalɛ wɛ wo -sɔnɔn 'le, 'nan -e 'o -kaa wei man, -e -kaa -kɔla "o pladɔ -a. ⁴ɛn "nyian bɛ, 'ka 'ci 'nrɔn -klɔ -dandannɔn da. -Te -klɔ a -dan 'kɔ oo, -a -trɔa "vɛ -si yra a "wɛnnɔn. -Te fulɔ 'plɛblɛ a 'ta 'tɔnan "man "bɛ, -a -trɔa "vɛ -si yra "wɛnnɛn zɛ -yɛɛ -maan -e -a -fɔzan 'e -trɔa -si yra. ⁵-A -tɔwli "nɛn "nyian min nren 'le vɛ -a. E ya min man mennɔn va "wɛnnɔn, 'pian -yɛɛ -maan -e 'wɔ -dan 'e 'fɔla.

ɛn "nyian bɛ 'ka 'ci 'nrɔn plɔ -dan nen 'te "wɛnnɛn -fɔla 'ji bɛ -a da. ⁶Min nren a "le 'te 'le 'wɔ 'zɔ. -A da nen 'wɔ 'wɔlɔdɔ 'tɔ -tɔdɔ pɛɛnɔn cɔ. E ya -kaa man mennɔn va, ɛn -yɛɛ -kaa munmuan "tri -tɔa. Maan vɛ 'cɛɛ 'nan,

-e 'e 'sia yi nen o min -yaa "da "trilii, -e -a -ka yi 'e bɔ be, -a nren 'be 'te wo -yee 'treda va. "Te zɛ Satan -va nen e "sia.

⁷Min -kɔlamán -e 'e luji wi pɛɛnɔn, 'lee "lomannun, 'lee pɔnɛnnun, 'lee fɛ pɛɛnɔn nen o 'ta wula 'o 'kɔlɛnɛn "bɛ, o 'lebu. ⁸'Pian min -tu 'ka 'kɔlamán 'e nren pladı -a "fo "dı. Fɛ -wlıdı "nen, ya'a 'tɔa 'e "pa 'ji flu dɛ, -nyren. E ya 'e fadı min -te 'yile -a.

⁹Nren zɛ -a 'bɔ 'a nen -kaa Minsan nen e cɪ -kaa "tɪ "a be, -a 'tɔ bɔa. En -a 'bɔ 'a nen -kaa wei "paala blamin nen Bali -a drɛ "le 'yee 'wɪ 'zɔ be, -a man. ¹⁰Min 'le 'a nen min -fɛa ve min man. En min 'le 'tɔwlı zɛ -a 'bɔ 'a nen min 'e wei "paala min man. 'An beenun, te 'cee ve 'e 'kɔn zɛ dı! ¹¹Fenan nen 'yi bɔala be, 'e drɛ 'cee 'wɪ -kɔɔn "manve -a! 'Yi 'nɔnɔn 'lee 'yi nyrannyran 'ka 'bɔala fɛ -tɔwlı zɛ -a -nan 'e cin -a dı. ¹²En "nyian be, -lomin yiba 'ka 'baa -voga -a dı, en -mango yiba 'ka 'baa -lomin -a dı. En 'yi 'wewɛa 'lee 'yi 'nɔnɔn 'ka bɔala 'yi bɔlanan 'tɔwlı "nan dı.

Laji 'wɪ 'tɔdɪ

¹³-Te min -tu a 'ka yei, te 'wɪ pɛɛnɔn 'cin a "ji, en e 'wɪ -tɔa "bɛ, 'e -kɔɔn 'yee -kɔndɪ "yi 'lee 'e drɛ wɪnun tıglɪ 'a. ¹⁴'Pian -te man bɔdɪ -nɔnɔn -cin a 'ka 'ji be, te 'ka 'fli -kɔɔn 'cee 'wɪ 'tɔdɪ -a "fo "dı. En -te bɔɛ "blıdı -cin a 'ka 'ji be, te 'ka 'fli -kɔɔn 'cee 'wɪ 'tɔdɪ -a "fo "dı. Kɔɔ -te 'ka 'fli -kɔɔn 'nan ka ya 'wɪ 'tɔnɔn 'a be, te ka 'wɪ -sɛan. ¹⁵'Wɪ 'tɔdɪ zɛ, Bali "cɛɛ 'be -nɔan "dı. E "sia 'treda 'gɔ, en min 'bɔ -wulo -ji nen e -tɔala. Satan -va nen e "sia. ¹⁶Fɛ nen maan ve zɛ -yɛɛ cɪ 'nan, -te man bɔdɪ a fenan, en bɔɛ "blıdı a fenan be, fɛ zɛ -a -nan 'ka flu "fo "dı. 'Wɪ 'wlıdı 'tɔ 'tɔdɪ pɛɛnɔn a -nan.

¹⁷'Pian 'wɪ 'tɔdɪ nen e "sia Bali va be, e ya 'wɪ 'tɔdɪ tıglɪ 'a. E min dra min -trɔɔ -a, en e min dra min cɪ "yızan 'a. Min zɛ e min wei maan, min nyrında -sɛan "da, en e "yi "dra min ɛ. Ya'a min bɔ "va "dı, en ya'a 'wɪ 'dra -dawlı a dı. ¹⁸Minnun nen waa -wɛɛman -trɔɔ 'nan minnun yei 'e 'fɔ -trɔɔ be, -a 'le 'srannan "bɛ 'wɪ "yi "drɛdɪ nun 'be -taa "bɔlɛa.

'Ka Satan 'tɔɪ -e 'ka -sɔɔnla Bali -sru!

4 ¹Kulinun a 'ka yei, en 'wɪ 'blıdınun a 'ka yei. Nyin zia nen 'wɪnun zɛ -a pou 'si? Maan ve 'cɛɛ 'nan, 'ka 'bɔ 'wulo -ji "nrɔndɪ -wlıdınun nen ka 'ta wula "da "bɛ -yɛɛ -maan 'wɪnun a 'ka yei. ²Ka ya "vale fɛ -tu 'e drɛ 'cee ve -a, 'pian -te ka'a ye dɛ, te ka 'nandı 'sia min man "le 'ka -tɛ. En ka ya "vale 'nan 'ka bɔɛzan -tu -lɔ fɛ 'e drɛ 'cee ve -a, 'pian -te ka'a 'kɔlamán -a yıdı -a dɛ, te -kulinun 'lee 'wɪ 'blıdınun wla 'ka yei. Fɛ nen ka cɪ "va "bɛ ka'a ye dı, ka'a laabo Bali lɔ dı -le "wɛan. ³En -te kaa laabu Bali lɔ be, ya'a nɔan 'cɛɛ dı, kɔɔ -a laabu "manwɪ a -wlıdı. Kaa laabo 'nan, -e 'ka 'fli cɪ 'sɔ wɪnun dre -a.

⁴Ka "we "flivlı Bali man "le lumɔn nen e 'si 'e 'sran wɪ, en e -kɔ -kɔnɛn pee -va be -yee 'wɪ 'zɔ. 'Treda fenun yıdı "yi "bɛ, e ya Bali 'nan man wɪ -a.

Ka'a -ci tɔa duv? Min oo min nen e 'treda fɛnun pɛɛnɔn ye "yi "bɛ, 'e 'fli dra Bali 'nanmanzan 'a. ⁵E ya 'e 'cren -tɛdɪ Bali -le 'fluba 'ji 'nan:

«Lei nen Bali -a -nɔn 'cɛɛ bɛ,

Bali -a ye "yi, ɛn e man bo 'da!»

Te -a -cin 'e 'kɔn 'ka 'ji 'nan, 'wɪ zɪɛ e ya 'wɪ "tun "a dɪ! ⁶'Pian "yi "nen Bali -a dra -cɛɛ bɛ e 'mlianla "da. Kɔɔ e ya 'e 'cren -tɛdɪ Bali -le 'fluba 'ji 'nan:

«Minnun nen o 'fli dra -dandan bɛ

Bali 'ka o ye "yi "dɪ.

'Pian e "yi "dra minnun nen

wa'a 'o 'fli kɔɔnman dɪɛ -wɛ.»

⁷-Yee "wean nen 'ka 'wɪ "man 'ka 'ci 'fɪdaa 'a, -e 'ka 'ta wɛla Bali -sru! Te 'ka tɔa Satan lɛ dɪ! 'Ka drɛ zɪɛ -e 'e 'si 'ka man -kɔɔbli! ⁸'Ka -pli Bali man, -e 'e -pli 'ka man! 'Wɪ 'wɪdɪ "drenɔn, 'ka 'pɛ 'e 'si 'wɪ 'wɪdɪ -sru! Kaa nen 'ka 'ci -fɔɔman Bali -sru 'ta wɔdɪ -ji bɛ, 'ka 'ci 'si 'fɪdaa -e 'ka 'ta wɛla Bali -sru. ⁹'Wɪ 'wɪdɪnun nen kaa dra bɛ, -a 'wɪ 'e 'nan 'ka man! 'O 'ka 'ta drɛ -trɔdrɔ! 'Ka 'wuɔ! 'Ka 'cee 'shɛ 'blɪdɪ lɪla "da -wuɔdɪ -a! 'Ka 'cee 'ci "nrandɪ lɪla "da -trundɪ -a! ¹⁰'Ka 'fli drɛ "wɛnnɔn Bali 'lɛ, -e 'e 'ka drɛ -dan!

Te 'ka min 'tɔ 'tɛ dɪ!

¹¹'An "bɔɪ Zozinɔn, te 'ka 'wɪ 'ka cin man -wɪdɪ "dɪ! Min nen e 'wɪ 'wɪdɪ 'vɪ 'e "bɔɪ -tɔ man, -te 'bɛ 'cɛɛ dɪ yaa 'tɔ 'tɛ bɛ, te e 'wɪ 'wɪdɪ 'vɪ Bali -le -pɛi man, ɛn e tin -tɛ "da. -Yɛɛ cɪ 'nan, -te i 'wɪ 'wɪdɪ 'vɪ Bali -le -pɛi man bɛ, te yɪ'a 'ta wɛla "da "dɪ, 'pian te i drɛ -a man tin 'bazan 'a. ¹²Bali -tɔwɪ 'bɛ -pɛi -tɔ minnun lɛ, ɛn -yɛɛ cɪ -a ta tin 'bazan a. -A -tɔwɪ 'bɛ -kɔlaman min 'sɪdɪ -a 'wɪ 'ji, 'lee min -tɛdɪ -a. 'I 'fli "sɪala 'kɔ, ɛn i "wɛ 'i bɔɛnun man zɪɛ.

Fɛnɔn, te 'ka 'fli 'sia -dan dɪ!

¹³Kaa nen kaa ve 'nan: «Cɛɛɣv 'lee 'trɛ "a kɔ -ko 'fla 'gɔvɛ -a da, kɔ lɛ -tɔ -tɛa "nan nun, kɔ 'flɛ -taan -e 'kɔ "lala yɪ» bɛ, 'ka drɛ "yi! ¹⁴Ka'a "trɛ wɪ tɔa dɪ. Ka ya "lɛ "lolu -koei "wɛnnɛn nen e -tɔala -voo, -e 'e 'si 'nan bɛ -yɛɛ 'wɪ 'zɔ. ¹⁵'Wɪ nen kɔ 'ka vɪ bɛ, -nyrɛn 'gɔ. 'Ka vɪ 'nan: «-Te Minsan wɪ "man 'nan 'belɪdɪ 'bɔ 'kɔ man bɛ, kɔ fɛ 'gɔ 'lee fɛ 'gɔvɛ -a dra.» ¹⁶'Pian ka'a 'wɪ zɪɛ 'bɛ 've dɪ. 'Ka 'fli "sɪala -dan, ɛn 'ka 'fli -kɔɔnman. 'Wɪ zɪɛ -a drɛdɪ bɛ, e ya -wɪdɪ.

¹⁷Maan ve 'cɛɛ 'nan, min oo min nen e 'wɪ "yi "nen kɔ 'e drɛ bɛ -a -tɔa, ɛn ya'a drɛlɛ dɪɛ, te e 'wɪ 'wɪdɪ drɛ.

Fɛnɔn, 'ka drɛ "yi, "tɔgɔ 'wɪ 'e bɔ 'ka man!

5 ¹Fɛnɔn, an 'wɪ "paala 'cɛɛ 'nan, 'ka wɪ 'sia 'pleble, 'wɪ 'nɔnɔnɔn nen e -taa "bɔlɛ 'ka man bɛ -yɛɛ "wean. ²Tɔ zɪɛ -a man bɛ, 'ka yɪfɛnun srɛman, ɛn fadrɔnɛn 'cee sɔnun -ble. ³-Jeza -fɔa 'cee -sɪga 'lee 'cee

"lalanun man. -Jeza zɛ -yɛɛ 'ka man wɪ -tɔa lou -e 'e 'ka kolebo "bli "le 'te 'zv. 'Treda -nyan tu 'bɔ 'kogo, 'pian te ka -ko 'ka yɪfɛnɪn tredɪ -a "kaga. ⁴Minnun nɛn o 'nyranman 'pa 'cee fei ɛn ka'a o -pan wule dɛ, 'pleble pɛɛnɔn 'san Bali -wee -paandt man. ⁵ɛn "nyian bɛ fɛ -tu 'ka 'klɪle 'ka man dɪ, 'ka 'ci 'sɔ wunun pɛɛnɔn dre 'treda. 'Treda -nyan tu 'bɔ 'kogo, 'pian te ka -ko fɛnɪn -blɪdɪ -a, ɛn ka -ko bɔadɪ -a "le -sru nɛn o cɪ -a "le bunan 'nan -e 'o -bli bɛ -yee 'wɪ 'zv. ⁶ɛn "nyian bɛ minnun nɛn wa'a 'wɪ 'tu dreɛ dɛ, ka 'wɪ 'pa o da, ɛn ka o tɛɛ. Wa'a 'wɪ 'tu vɪle dɪ.

'Ka -pɔan 'e 'sɔ!

⁷An "bɪ Zozinɔn, 'ka -pɔan 'e 'sɔ 'trilii, -e Minsan -ta tu 'e bɔ. 'Ka 'ci "nrɔn fei 'pazan nɛn e 'yee fɛ 'wle -fɔa 'tre 'ji bɛ -a da. Yaa man -pɛan -pɔan 'sɔdɪ -a -trilii, -e laa 'e 'fɛn 'man, -e -a -tɛ tu 'e bɔ. ⁸'Ka 'bɔ "nyian, "cee -pɔan 'e 'sɔ zɛ! 'Ka -pɔan 'kun, kɔɔ Minsan -tadɪ 'bɔ 'kogo.

⁹An "bɪ Zozinɔn, te 'ka cin man wɪ 'pa dɪ, "tɔɔ Bali 'e tin -tɛ 'ka da! Min nɛn 'e tin -tɛa "min da bɛ, e 'bɔ 'kogo. ¹⁰Minnun nɛn o Bali 'lewei 'vɪ Minsan 'tɔ da bɛ, o -pɔan 'sɔ 'wee yɪa yɪdɪ -ji. 'Ka 'ci "nrɔn o da, -e 'o dre 'cee 'wɪ -kɔɔn "mannɔn 'a. ¹¹Minnun nɛn o -pɔan 'sɔ yɪa yɪdɪ -ji bɛ, kua ve o man 'nan 'wee 'wɪ a "yi. Ka Zob -le -pɔan 'sɔdɪ 'wɪ 'man. ɛn fɛ nɛn Bali -a -nɔn -yɛɛ -a 'le 'srannan "bɛ, kaa -tɔa. Maan ve 'cee 'nan, Minsan ci a "yi, ɛn min nyrinda -sɛan "da.

¹²'An "bɪ Zozinɔn, te 'ka 'wɪ 'tu -ji -pɛ wluan dɪ! Te 'ka 'pɛ wluan labli man dɪ, ɛn te 'ka 'pɛ wluan 'trɛ man dɪ, ɛn te 'ka 'pɛ wluan "nyian fɛ pee man dɪ! 'Pian 'wɪ tɪɪɪ nɛn 'ka vɪ! -Te 'wɪ a 'wɪ 'kpa -a bɛ, 'ka vɪ -inyan! ɛn -tɛ 'wɪ a 'wlu 'a bɛ, 'ka vɪ -ceje! "Tɔɔ yɪ nɛn Bali tin -tɛa 'tredanɔn da bɛ, 'e vɪle 'e 'ka 'tɪt 'e "tun "dɪ.

'Ka Bali tru 'ba!

¹³-Te min -tu a 'ka yei 'nan e ya 'e yɪa yɪnan bɛ, 'e Bali tru 'ba! -Te min -tu a 'ka yei 'nan -a ci "nranman bɛ, 'e Bali 'tɔ 'bɔ "dre "fɔ! ¹⁴-Te min -tu a 'ka yei 'nan -a man "yaaman bɛ, 'e -leglizinɔn ceje laabu, -e 'o Bali tru 'ba -yɛɛ, te o 'nyrɔn -sɛan -a -win -ji Minsan 'tɔ da. ¹⁵-Wee Bali tru 'badɪ nɛn waa dra yɪ -teradɪ Bali da -a bɛ, e man "yaazan zɛ -a "belia, ɛn Minsan -a wuanla. -Te 'wɪ 'wɪdɪ "nɛn yaa dre bɛ, Bali -a fuiman.

¹⁶-Yee "wɛan nɛn 'ka 'cee 'wɪ 'wɪdɪ "vɪ 'ka cin lɛ 'vaa -e 'ka Bali tru 'ba 'ka cin lɛ, 'dɪ -e 'ka 'beli. Kɔɔ -tɛ min a tɪɪɪ Bali 'lɛ bɛ, -yee Bali tru 'badɪ 'e 'bli pɛɛnɔn 'a bɛ, -a 'lɛ a "man.

¹⁷'Ka 'ci "nrɔn 'wɪ nɛn Bali 'lewei vɪzan -tu -a dre 'li bɛ -a da. Bali 'lewei vɪzan zɛ waa laabo Eli, ɛn e ya blamin -a "le -cee 'wɪ 'zv. E Bali tru 'ba 'e 'bli pɛɛnɔn 'a 'nan, te laa 'e 'fɛn dɪ. ɛn 'wɪ 'kpa, laa 'ka 'fɛnlɛ 'treda dɪ. Yaa dre lɛ yaaga mlɛn 'shɛɛdɪ. ¹⁸"Bɛ -sru ɛn e Bali tru 'ba "nyian, tɔɔn laa 'fɛn, ɛn fɛ pɛɛnɔn bɔdɪ 'sia.

¹⁹An "buɪ Zozinɔn, -te min -tu a 'ka yei, ɛn e 'si 'wɪ tɪɣɪ man -kɔɔbli be, 'ka dre -e 'e sɔɔnla "nyian 'wɪ tɪɣɪ zɪɛ -a -sru. ²⁰Ka -tɔ 'nan, min oo min nen yaa dre ɛn e 'wɪ 'wlɪdɪ "drezan 'si 'si 'wlɪdɪ "da ɛn yaa sɔɔnla 'wɪ tɪɣɪ -sru "be, -yɛɛ -maan ɛn Bali 'belɪdɪ nen ya'a 'nyaan dɪɛ -a -nɔn min zɪɛ -yɛɛ, kɔɔ Bali -yee 'wɪ 'wlɪdɪ pɛɛnɔn fui.